

续资治通鉴长编

集賢通纂長編

聖武記卷三

國朝綏服蒙古記一內六盟蒙古

邵陽魏原撰

蒙古諸游牧國之大名也十七行省及東三省地為中國自中國而西回部而南衛藏而東朝鮮而北俄羅斯其民亦皆土著之人其國亦皆城郭之國若乃不郭郭不宮室不播殖穹帳奇而水草逐者惟瀚海南北部及準部青海諸部則然故史傳外夷皆以居國行國為大界畫而游牧行國又以瀚海為大界畫若漢匈奴賢王有左右一居東方以接滅額一居西方以接氐羌而單于庭直代雲中懷之則遂于漠北至後漢而南單于北單于再變為東胡西胡三變為柔然為東西奚四變為東突厥西突厥五變為內回紇外回紇上下數千年離合絕續要皆以大漠為諸部之綱維於是乎左於是乎右於是乎南於是乎朔其擴入版圖列為郡縣者惟唐初湯平突厥之地置定襄雲中等郡領於單于瀚海二都護一時稱極盛而控御不久遼金置上京中京西京諸道僅域於東西奚而未及河朔惟元起漠北奄有函夏於漠南置大監上郡興和大同等路於漠北置和林行中書省以至西域青海皆分建諸王駙馬為古今戎索之一變明之中集元裔由漠北入漠南于是邊防復棘且其根柯盤固支條蔓行為今蒙古各部汗王環處大漠故高宗言三代以後惟元太祖簡至今不絕云最其部類大分有四曰漠南內蒙古曰漠北外蒙古曰漠西厄魯特蒙古曰青海蒙古四

部中漠南內蒙古接壤滿洲臣服最先至康熙初而漠北喀爾喀三部內款及親征準噶爾而

青海諸部來庭於是三部蒙古皆混為一家惟漠西厄魯特特其荒遠抗衡狂妄至乾隆中始三

其疆域空其部落焉漠南漠北二部大半出元太祖成吉思汗至今世嫺帝室其西海則而

之旁支西域則元之臣僕至今惟通朝貢與稱外戚甥舅者殊科因而區之以昭戎索

內札薩克蒙古六盟東四盟當盛京黑龍江及直隸邊外西二盟當山西陝西甘肅邊外凡四十有

八旗二十有四部并歸化城土默特則二十有五東抵吉林黑龍江界西至賀蘭山南界長城北距

瀚海路雍冀地并營五州北境袤數千里明初悉攘諸漠北中葉復薦食漠南邊患遂與明代相終

始我朝龍興首臣科爾沁繼平插漢即察于是諸部先後來庭有大征伐率師以從世其封爵時

其朝貢凡二十五部為五十一旗其制略與在京內八旗蒙古等其朝覲分為三班其會盟則若科

爾沁若郭爾羅斯若杜爾伯特若札賚特四部為一盟其盟所曰哲里穆其貢道由山海關若札魯

特若喀爾喀左翼若奈曼若教漢若翁牛特若阿魯科爾沁若巴林若克什克騰八部為一盟其盟

所曰召烏達其貢道由喜峯口奈曼即元史所謂乃蠻也元太祖既平乃蠻以封其子故後人因以各部蓋先得漠北後得漠南也若土默特若喀喇

沁二部為一盟其盟所曰卓索圖其貢道亦由喜峯口若烏珠穆沁若浩齊特若阿巴哈納爾若阿

巴噶若蘇尼特五部為一盟其盟所曰錫林郭爾其貢道由獨石口以上為東西盟內蒙古若四子

部落若喀爾喀右翼若茂明安若烏喇特四部為一盟其盟所曰烏蘭察布其貢道由張家口又鄂

爾等一部七旗特河套內自為一盟其盟所曰伊克台其貢道由殺虎口以上為西二盟內蒙古每三載盟會之期

命大臣齎勅以往設正副盟長各一以簡軍實閱邊防理訟獄審丁冊惟歸化城土默特向隸將軍部統及各廳同知不設札薩克故會盟集于本城不設盟長聽

簡命大

臣往視其各部每旗事權皆掌于札薩克一人此外皆散牧其親王郡王貝勒貝子鎮國輔國公台吉等或以功晉封或以事襲無定員初元太祖起和林削平西北諸國建王駙馬等世守之為今內外札薩克蒙古所自出而仲弟哈薩爾以射聞季弟勒格圖以勇聞佐命功尤大今之阿巴噶阿巴哈納二部皆勒格圖後也兩科爾沁及札賚特杜爾伯特郭爾羅斯四子部落茂明安烏喇善青海和碩特九部皆哈薩爾後也又有太祖十五世孫達延車臣汗者建庭和林支裔繁布於漠南北若奈曼巴林敖漢蘇尼特烏珠穆沁鄂爾多斯克什克騰喀爾喀左右翼九部皆其後也翁牛特則太祖弟諤楚因之後札魯特及土穆特右旗則太祖十八世孫之後惟喀喇沁及土默特左翼為太祖功臣濟拉瑪之後餘皆元子孫皆以插漢部為大宗其歸本朝也皆以林丹汗不道之故今不悉述述其尤著者

太宗文皇帝天聰九年得傳國璽于元小王子裔插漢部于是蒙古四十九貝勒及土默特兩旗合上尊號改元崇德是為我大清受命之始前此

太祖天命中臣服諸國瀋陽遼陽得自明

餘若黑龍江五部長白山二部東海三部扈倫四部凡河東河西之地使犬使鹿之邦明人所稱南

關北關者皆金代部屬語言相同城郭之國非蒙古行國也其時已與科爾沁盟好而與插漢構釁
插漢部者元之嫡裔太宗也初順帝北歸和林連易五主始去國號稱韃靼可汗皆在洪武之世永
樂初本雅失里可汗為阿魯台所立宣德中脫脫不花可汗為瓦剌酋長脫歡所立景泰中也先篡
之不久部下仍立脫脫不花子號小王子自是世以小王子稱正德中小王子尤強并青海及烏斯
藏控弦十餘萬嘉靖中稍厭兵徙幕遼東邊外稱土蠻而分諸部落留西北邊其時邊防皆急河套
青海及俺答封西陲莫于是東部土蠻小王子裔數入寇邊患又中于薊遼故明世邊寇曰河套部
河西部河東部西則今青海蒙古東則今內扎薩克蒙古套則今阿拉由及鄂爾多斯蒙古也至西
厄魯特則瓦剌王脫歡也元之裔明中葉後罕入寇或言厄魯特即明之阿魯台者誤也阿魯台世
既為瓦剌之裔安得復為阿魯台之裔即況阿魯台人名非部而北部喀爾喀蒙古隔於大漠終明
落名也厄魯特之稱猶唐古特猶韃靼安得以人名當之乎而北部喀爾喀蒙古隔於大漠終明
世不見於史云萬歷中我大清兵起明人思用東部插漢小王子即察爾喀爾欲以敵大清而要挾歲
賞終無成效末年林丹汗士馬強盛橫行漠南有宋康武乙之暴天命四年來聘書稱統領四十萬
眾蒙古國主巴魯圖青吉斯汗致書水濱三萬眾滿洲國主且恃其號勁馮陵諸部諸部先後歐歸

大清請師援救天聰八年六月

太宗統大軍盡徵各部蒙古兵征察哈爾時遼河夏漲晝

夜冒潦出其不意逾內興安嶺千三百里至其庭林丹汗謀拒戰而所部解體遂徙其人畜十餘萬
眾由歸化城渡河西奔沿途離散十之七八林丹汗走死于青海之大草灘我大軍至歸化城收其

部落數萬而還明年其子額哲率所部奉傳國璽來降封親王位冠四十九旗貝勒之上其衆編旗安置義州額哲卒其弟襲爵傳至布爾尼當康熙十四年吳三桂之變徵其兵不至旋煽奈曼等屬擁衆同叛

詔以多羅信郡王鄂札為撫遠大將軍以大學士圖海副之率不附逆各郡蒙古兵進討四月師次岐爾哈台偵賊屯于達祿我軍留輜重以輕騎進布爾尼設伏山谷間列陣以待我軍先敗其伏兵進擊其大隊敗之布爾尼收潰卒戰復連敗以三千騎遁為科爾沁兵射死凡六閱月平空其故地置牧廠隸內務府太僕寺而移其部衆游牧於宣化大同邊外其八旗分東西二翼其旗內官地及與漢民互市訟獄治以四旗廳及獨石口張家口豐鎮靈遠各廳其本旗事務轄以都統等官而總隸於理藩院典屬司此八旗在蒙古四十九旗外官不得世襲事不得自專與各札薩克君國子民者不同其故地袤延千餘里在獨石口張家口邊外又歸化城土默特者明順義王俺答之後也中為察哈爾所滅我

太宗親征察哈爾駐歸化城降其部衆編為二旗以其部長為左右翼都統并還其世所守順義王印而遣軍將貝勒岳托副都統吳巴海駐其城鎮守之土默特酋博碩克圖之子使喀爾喀陰與明通吳巴海邀斬其使崇德元年喀木尼漢部葉雷等叛投漠北吳巴海率兵追之數旬無所見漠中射一雁負矢飛而墮往取之見賊營遺火遂躡及於溫多嶺葉雷注矢引滿將拒戰有狐起於前觸葉雷弓墮遂為我擒始收其順義王印乾隆中並裁都統其旗務則掌之將軍副都統惟存輔國公世爵一不理事并設同知通判理旗民賦訟與京師內八

旗蒙古相等而與插漢小殊故新疆各省駐防有察哈爾蒙古兵無土默特蒙古兵

科爾沁部在喜峯口外東西距八百七十里南北距二千有百里南界盛京邊牆北界索倫本元太祖弟哈薩爾之後明初置兀良哈三衛之一也後自立國曰科爾沁明洪熙間為厄魯特所破東避嫩江以同族有阿魯科爾沁因號嫩江科爾沁以自別其札賚特杜爾伯特郭爾羅斯三部皆科爾沁一部所分兄弟同牧皆屬插漢部我

察珠合里納殷共九部之師三萬來侵攻赫濟格城不下陳兵古呼山 太祖初年科爾沁與葉赫哈達烏拉輝發錫伯卦爾

年復征烏拉部敗科爾沁來援之衆于是科爾沁與諸部遣使來乞好天命九年插漢林丹汗以兵

侵陵諸部諸部或北徙瀚海依喀爾喀或東走依科爾沁科爾沁思插漢之暴思歸我 朝遂率之

來覲自是為不侵不叛之臣天命十一年 太祖崩 太宗即位科爾沁土謝圖汗使來

弔曰恭聞強武英明大可汗上賓粵巴台吉敢奉書以慰八旗大小諸貝勒昔察希爾巴敦汗主四

方握七寶數盡則必死雪山白獅子其力雖大限到亦死深海之內縱有諸寶無裨於龍王之死故

成必有壞始必有終爾 皇考奮起孤憤之中並吞大小諸國為一虎步中外是天之所豪宜

返天上惟生者能自強則死者為不死 後嗣勉之矣是年始封科爾沁粵巴台吉為土謝圖

汗天聰二年會大軍征插漢三年至八年亦屢上書明崇禎帝請與我朝和其書尚自稱三衛十年

大軍蕩平林丹汗全部於是兩科爾沁及札賚特杜爾伯特郭爾羅斯喀喇沁土默特教漢奈曼巴

林札魯特翁牛特諸部遺朝鮮國王書合詞上

尊號改元崇德禮成冊功

詔科爾沁設札

薩克五賜親王郡王鎮國公爵二年從征朝鮮三年從征喀爾喀四年從征索倫八年從征明及黑龍江諸部順治元年偕杜爾伯特郭爾羅斯以兵從睿親王多爾袞入山海關走流賊定索歸二年又以兵從豫親王多鐸定江南三年復從討蘇尼特酋騰吉思敗喀爾喀兩汗援兵七年復增科爾沁札薩克一康熙十有三年科爾沁額駙沙津率各部兵討撫漢酋布爾尼之叛陣斬之盡平其部科爾沁從龍佐命世為肺附與國休戚

孝端文皇后

孝莊文皇后

孝惠章皇

后皆科爾沁女故

世祖當草創初冲齡踐阼中外帖然繫蒙古外戚扈戴之力自天命至乾

隆初額駙尚主者八有大征伐輒屬臺前驅勞在王室非直懿親而已故順治十有一年

上

以諸札薩克蒙古久不見恩壅上下之情特

賜敕存問令有所欲請隨時奏聞朕世世為天子

爾等亦世世為王屏藩百世而土謝圖親王達爾漢親王卓理克圖親王札薩克圖郡王四爵俸幣居二十四部上

鄂爾多斯部在河套中東西北三面皆距河東西袤二千里南北廣八九百里首尾或五六百里三四百里秦蒙恬所奪匈奴河南地以陰山為塞而漢唐之朔方郡也前代城堡邊牆故蹟棋布而花馬二池鹽與河東鹽並行地宜馬駝有麥垛山鐵可為兵河柳可為竒赫連元昊屢為霸國形勝可戰可守宋太祖十六世孫巴爾蘇始居之為鄂爾多斯濟農有九子分牧而處是為今鄂爾多斯七

札薩克之祖明末苦林丹汗之虐糾合喀喇沁阿巴噶諸部敗察哈爾兵四萬于土默特之趙城天聰九年大軍追林丹汗于額哲于黃河西未至鄂爾多斯先遣與盟攘其部衆而獻于戶於我順治初出兵隨英親王剿流賊于陝西康熙中會剿叛賊王輔臣皆有功三十五年

上親征噶爾

丹至所部界諸札薩克渡河朝

御營獻馬請設驛饋運出兵扈蹕

上嘉其俗龐土沃性

物獵嫺周覽形勢謂札薩克等曰明人議河套畏爾蒙古如榻側臥虎亦其時無人耳若今日大軍且逾陰山賀蘭山出爾背後其奈我何諸札薩克稽首曰今天下一家

上奈何出此驚人之

語即本六旗至乾隆中滋息復增一旗設札薩克七自為一盟

鄂爾多斯明吏作旗爾都司

國朝喀爾喀相繼歸誠名凡三曰舊喀爾喀即編入八旗之駐京蒙古也曰外喀爾喀即漠北外札薩克四部蒙古也曰內喀爾喀即喜峯口張家口外之內札薩克左右翼蒙古也左右翼本元太祖十五世孫達延車臣汗之裔汗之子格將森札賚爾居杭愛山有子七始號喀爾喀七旗部族繁衍分東西中三路以三汗掌之皆在瀚海之北順治十年中路台吉本塔爾與其土謝圖汗有隙率千餘戶來歸封親王賜牧張家口外列內札薩克諸部是為喀爾喀右翼康熙三年西路台吉衮布魯勒登以其汗為同族所戕部衆潰散乃越瀚海來歸賜牧喜峯口外是為喀爾喀左翼此外蒙古同名者有兩科爾沁同名同族一居嫩江號有兩杜爾伯特同名異族一四見薩克一西慈二侍有三土默特其二部分左右翼異姓同牧

左翼元臣太祖其一部號歸化城土默特與右翼為近族

臣源曰 本朝撫綏蒙古之典以木蘭秋獵為最盛木蘭者圍場之通稱也仲秋之獵漢人故上元

狩獵因以順治初 世祖出張家口獨石口外行獵次上都河入古北口是為塞外秋獵之

始康熙中蒙古諸部獻其牧地規為圍場自是歲舉獵狩車攻馬同以師兵為營衛凡內外各札薩

克悉率左右分班扈獵星羅景從霆驅雨合而 天子親御玉弧止齊步伐三驅田禽寓綏遠於

訓武其圍場東西三百餘里南北二百餘里周千有餘里即元代上都達金中京上京之地明代為

梁海韃靼諸部游牧旁薄雄奧理大物博天所以嚴 聖武歟其合圍周環以柵八旗各一營規

高處為卡倫每營各五卡倫守以官兵統凡圍場六十餘所每歲 車駕行獵或十餘圍或二十圍

無定數云康熙三十年圍場多在倫泊出古北口三百餘里其南有彙宗寺以綏黃教四十八部部各一喇嘛

住持 御製寺碑謂諸部在瀚海龍堆之東西北者道里適中四十年始建避暑山莊於承德府

之灤河土名熱河在多倫泊東南距京師更近乾隆嘉慶歲歲舉行雍正十四載中無之雍正中

泊西南造善因寺專供章而今 上繩武 世宗不舉秋獵者二十餘載

佳胡土胡圖後身住持 國朝綏服蒙古記二 外四盟蒙古

瀚海絕地中央莽亘數千里天以界中外漢唐兵力盛時或能有漠南從無兼有漠北者有元一代

始以和林終以和林和林者大漠之北杭愛山之南鄂爾坤河之西北回紇舊建牙之所自古北甸

奴所庭也為瀚海王氣之區故 太祖十五世孫達延車臣汗者留牧其地苗裔亦獨盛他部

其子十有一分徙漠南者既為教漢奈曼巴林札魯克什克騰烏珠穆沁浩齊特蘇尼特鄂爾多斯九部之祖其季子格呼森札賚爾留故土析眾萬餘分授七子為七旗分左右翼又為喀爾喀各部之祖及其孫阿巴岱赴唐古特謁達賴喇嘛請藏經歸漠北部眾智而汗之遂世號土謝圖汗并其族車臣汗札薩克圖汗而三東西五千里南北三千里東界黑龍江西界厄魯特北界俄羅斯南盡瀚海我

太宗崇德元年既平漠南插漢部遣使宣捷于喀爾喀喀爾喀來聘且請絕明市命賚貂服朝珠弓刀金幣二年貢異獸名馬甲冑貂皮鵬翎及俄羅斯火鎗回部弓箭按轡阿爾瑪斯奔元狐白鼠裘以謝

詔定制歲獻白駝一白馬八曰九白之貢順治三年蘇尼特部騰機思

并略巴林部人畜

命德豫親王多鐸為揚威大將軍往征六月師至噶爾察克山騰機思等屯

于衮噶魯臺聞風遠遁令外藩郡王滿朱習禮副都統明安達禮追及于毖克特山大破之斬其台吉毛害迎下嫁格格還我兵渡土臘河復追之擒其家口輜重牲畜十餘萬八月自土獵河擊敗土謝圖汗兵二萬次日復敗碩雷汗兵三萬皆斬獲無算馬疲班師四年札薩克圖汗上書代解書不稱名詞又倨睿親王讓之五年騰機思復來歸喀爾喀各汗亦奉表請罪

詔十二年三汗始遣子弟來乞盟

詔賜盟宗人府設

九白之貢盡歸所掠巴林人畜不奉

札薩克八仍分左右翼康熙二十三年左翼土謝圖汗攻右翼札薩克圖汗而奪其妻構兵又與準

噶爾陳

上遣使偕達賴喇嘛往平之初喀爾喀世雄漠北及中葉專倭喇嘛習梵唄懈武事

又部族嗜酒自相陵蔑遂為厄魯特覬覦二十七年噶爾丹大舉入其庭再戰再北三部落數十萬

眾瓦解或議令四十九旗蒙古攘取之 上不忍乘其厄發倉給畜滂沱沛澤三十年 駕

出塞外受其朝大會閱于多倫泊即上元都地也 上以新附眾數十萬宜訓以法度前期檄

內外札薩克各蒙古皆豫屯於多倫泊百里外 車駕發 京師軍臨多倫泊上三旗親軍營居

中八旗前鋒營二護軍營十火器營四共十六營分二十八汛 御製藥宗寺記曰多倫泊者清

來朝者道適中 各環 御營而峙傳 諭內外蒙古移近 御營五十里不得入哨內屆期

陳鹵簿御帳殿于網城南受朝賜譙次日 上躬擐甲胃大閱嚴申約束土謝圖汗等具疏請

罪宣勅諭分三十旗為左右中三路割內蒙古水草地俾游牧近邊仍留其汗號與內札薩克各旗

同列噶爾丹既并其地遂沿克魯倫河南牧犯近塞 車駕再親征殄噶爾丹而反喀爾喀於漠

北加封有功諸台吉增編為五十五旗屯田於鄂爾昆河左右并徵其兵防秋于阿爾泰山雍正九

年以固倫額駙策凌奮擊準噶爾功又增賽音諾顏部授札薩克分轄各旗共前三部為四部共七

十四旗乾隆中增至八十二旗建城烏里雅蘇台及科布多駐定邊左副將軍及參贊大臣鎮撫之

參贊大臣三人一駐科布多一駐烏里雅蘇台一駐烏里雅蘇台之凡外札薩克之兵各統以將軍大臣喀爾喀四部之兵統於定

邊左副將軍杜爾伯特新土爾扈特和碩特之兵統于科布多參贊大臣薩土爾扈特和碩特之兵

統于伊犁將軍青海各部之兵統于西盟辦事大臣有事聽將軍大臣奏調視內札薩克之兵即統于各部汗王者不同而烏里雅蘇臺科布多皆歲徵蒙古兵換防屯牧一如出征專閫之制視東三省歸化城伊犁即以駐防將軍兼轄者亦不同故定邊左副將軍節制四汗八十二旗及金山天山間烏梁海等數十部為邊外第一重鎮其與俄羅斯互市之道由東庫倫西庫倫二驛達于恰克圖而以楚庫河為中外界其會盟分四路土謝圖汗部二十旗為中路居土臘河左右境盟所曰罕河林車臣汗部二十三旗為東路居克魯倫河左右境盟所曰巴爾和札屯薩克圖汗部十七旗為西路居杭愛山以西境盟所曰畢都里雅賽音諾顏汗部二十旗兼轄克魯特二旗為北路居翁金河北境盟所曰齊爾里克每會設盟長一人副盟長一人具貢道均由張家口今不具述獨述賽音諾顏部蓋太祖十八世孫圖蒙肯之裔也初明世喀爾喀喇嘛紅黃二教爭圖蒙肯申黃教西藏達賴喇嘛賢之授賽音諾顏之號其旗仍隸土謝圖汗三傳至善巴世牧塔密爾河在杭愛山之西鄂爾坤河之北即元和林地氣鍾河山隆隆天啓康熙三十年善巴從弟策凌幼自塔密爾河隨母來京師見奇

聖祖教養內廷四十五年授和碩額駙尚純懿公主即所謂超勇親王定邊左副將軍授大札薩克以功配享

太廟者也五十四年率所部赴推河隨北路大軍禦準噶爾五

十九年隨大軍由阿爾泰山分路進大斬獲于布拉克焚其糧于烏蘭呼濟河禽宰桑百餘授札薩克雍正元年封多羅郡王二年撤北路大軍偕同族親王丹津多爾濟各以副將軍留防阿

爾泰山策凌連年從軍習漠北山川險易憤喀爾喀為準夷凌藉銳自磨厲練猛士千隸帳下為親兵又以準賊恃馳突而喀爾喀無紀律節制每游牧及止營皆以陣法部勒萬眾森嚴如對壘因是賽音諾顏一軍雄漠北九年隨順承親王錫保討噶爾丹是冬與丹津合兵敗準賊六千于鄂登楚勒壇其驍將晉封和碩親王賚白金萬兩授喀爾喀大札薩克十年六月準賊三萬復深入內犯乘策凌出師未歸襲其游牧舊帳於塔密爾河策凌在路所乘馬忽人立嘶風而蹄飛騎報警策凌大怒即斷髮戮馬鬣誓天誓程間道歸救大戰於森齊泊又大戰於鄂爾昆河斬賊大半語具雍正征厄魯特記

晉號超勇親王錫黃帶分土謝圖汗所滋息之二十一旗隸賽音諾顏部而於所留

詔官給馬牛

之十六旗增四旗為二十仍隸土謝圖汗部復以策凌轉戰不得歸游牧被賊躡羊各數千白金五萬并城塔密爾河易廬帳為宮室如京師賜第以重藩衛佩定邊左副將軍印進屯科布多授盟長便宜行事初準噶爾欺喀部兵不競屢闖其庭如出入無人之境及再為策凌所挫朵重墮殲始駭不敢窺塞十二年冬奉表請和

詔移科布多軍於察罕瘦爾召策凌來

京師準噶爾請以阿爾泰山為厄魯特游牧界杭愛山為喀爾喀游牧界策凌議不許必以額爾齊斯河及阿爾泰山為界而空其中為閒地準夷不從乾隆二年準噶爾貽策凌書稱為車臣汗議地界策凌獻其書并已所答書策凌有二子陷準部中是冬使哈柳復至語及之欲以動策凌策凌屬詞曲折哈柳無以難遂定議毋踰阿爾泰山蓋自雍正末年與準夷議界凌凡三至京師賊憚其

成重卒從所議於是喀爾喀西陲拓地千餘里初策凌用兵皆其帳下侍衛綽克渾嚮導之力及事定策凌賜之千金而親飲之酒綽克渾曰請王侍姬為奴舞劍奴請為王歌歌曰朔風高天馬號追兵夜至天驕逃雪山旁黑河道狹途殺賊如殺草安得北斗為長弓射隕撓槍入酒鍾策凌大喜并侍姬及所乘戰馬賜之越七日而綽克渾死策凌以五十年薨

威絕徽為

國長城特敕配享

太廟創蒙古諸藩未有之典并援遺賢親王例崇祀

京師

賢良祠

賜謚曰襄建碑紀功烈

御製輓詩稱其不必讀書知文義每于臨陣冠三軍云乾隆二十年

王師征伊犁而有喀爾喀撤驛之變由車臣汗部郡王青滾雜布煽之自十六驛至二十九驛一時盡撤羽書中斷遂回舊游牧擁眾叛是時伊犁未平蒙古復變中外幾震動策凌世子

成衮札布嗣父為定邊左副將軍首檄各部兵赴剿并請哲卜尊丹巴刺麻宣諭各喀爾喀大義遂

復臺驛通軍報統師進俘賊獻京師于是伊犁兩路之師得一意西討無內顧憂而其弟車布

登札布在伊犁軍中以三百騎倍道馳至集寨擒其宰桑奪船渡伊犁河追達瓦齊于格登山又首

發阿睦爾撒納逆謀告將軍班第又以數百騎棄大軍先進敗準部逆賊數千于和洛霍斯山盡擒

渠首

詔晉親王旌以其父超勇之號錫金黃帶入

觀圖形

紫光閣尋代兄鎮烏里雅蘇

臺兼議政大臣父子兄弟三為定邊左副將軍節制漠北數千里閱閱威名二百年未之有也而成

衮札布子那旺多爾濟尚固倫和靜公主亦從征臨清石峯堡有戰功世長朔漢世勲兩陲功名追

御定志貢行日碑 本朝外藩勛戚之盛內蒙古推科爾沁部外蒙古推賽音諾顏部

臣源曰禹分天下為九州外薄四海咸建五長而聲教朔南所暨說者謂北距大漠不能越乎其外
周禮職方氏蠻服夷服鎮服藩服時在九服之四而疆以戎索近在汾晉豈非西不盡流沙皆以瀚
海所界為海哉至哉 朝而龍沙雁海之外萬潼億萬之民獨奉駝無尾羊之部奔湊萬里至要一
家內謀理藩院旗籍司及主會司視功大小以區承襲之等差酌途遠近以定朝貢之疏數是以聞
氣英靈親捷沙磧與 國為旗常帶礪與 國為干城腹心相茂九州之表有奇傑六經之外有事
功乎其附庸於喀爾喀者又有北屬國二亦游牧而非元裔一曰烏梁海即兀良哈在烏里雅蘇臺
之北俄羅斯之南舊役于厄魯特乾隆蕩平始歸 王化其所置佐領分屬定邊左副將軍者二
十五札薩克圖汗部者五賽音諾顏部者十三哲布尊丹巴呼圖克圖者三一曰科布多橫亘于準
喀二部東西之間南依阿爾泰山北界俄羅斯參贊大臣治之其地則據于康熙其人則安插于乾
隆有新土爾其特有和碩特有杜爾伯特有輝特有札哈沁有明阿特有阿爾泰烏梁海有準夷
舊部所從故一地而隸之者七種彷彿西南之有青海焉乾隆二十三年定邊左副將軍成衮札布
奏言新附烏梁海人如山獸河魚止可聽其行走難盡束以法律大凡有命無不貧生若順其性則
不防防範而亦省兵餉大哉言乎尤百世御要荒者之鵠

附錄